

POSITIONES SEV. ARTICVLI.

N. N.

*IN causa processus de Vita
sancta, Excellencia fidei, vir-
tutibus, & miraculis Serui*

*Dei P. F. Ioannis Leonardi de Fusco de Ciuitate Lit-
terarum oriundi ex S. Seuerini oppido Ord. Præd. Cong-
reg. S. Mariæ Sanitatis de Neap. constituti speciali-
ter procuratores ab Admodum Reuer. P. F. Iordano de
Neap. S. T. M. & eiusdem Congregationis Vicario,
Necnon ab Inclita, & fidelissima Ciuitate Nea-
politana, & Litterensi prout constat publicis, & au-
thenticis Instrumentis manu publicorum Notariorum
confectis, & in hac causa productis, ut clarè liqueat
de puritate fidei, de excellentia, & sanctitate vite, ac
de miraculis dicti Serui Dei P. F. Io. Leonardi de Fu-
sco, & ad omne bonum finem, & effectum cum so-
litis petitionibus, & postulationibus faciunt, dant, ex-
hibent infra scriptos Articulos contra, & aduersus Pro-
curatorem Fiscale Curie Archiepiscopalis Neapoli-
tane ad probandum admitti, & in dictum processum
includi, & super illis testes inducendos examinari, &
de illis inquiri petunt, & instant ad onus superflue
probationis minimè se adstringentes, de quo expresse
protestantur, non solum præmissa, sed omni alio modo
meliori, &c. saluo iure, &c.*



In pri-

Op. 13

- 1 In primis procuratores prædicti ponunt, & quatenus opus sit probare volunt, & intendunt, quod in prouincia principatus citra huius Regni Neapolitani inter alias Ciuitates adest Ciuitas Litterarum suffraganea Archiepiscopi Amalphitani, quæ ab anno 988. quo tempore Episcopali dignitate est decorata à Ioanne XV. Pontif. Maximo in personam Stephani vsq; ad præsentem Fratrem Franciscum Bruscum continuata Episcoporum serie, catholicis, & pijs habitatoribus est referta. Et hoc fuit, & est verum, publicum, notorium, & manifestum, & publica vox, & fama, & communis opinio, & reputatio.
- 2 Item ponunt, & quatenus opus est probare volunt, & intendunt, quod in dicta Ciuitate Litterarum anno 1569. ortus est hic Seruus Dei P. F. Io. Leonardus de Fusco ex catholicis & huius Ciuitatis nobilibus parentibus Francisco de Fusco, & Lucretia de Miro legitimo inter se matrimonio coniunctis, multis præuijs ad Deum precibus, cum haberent tunc feminas quatuor, & vnum Marem, & in sacro Baptismo Albentij nomen est inditum, & catholicè, ac piè educatus ab infantia, suo tempore fuit confirmatus, & hoc fuit, & est verum, publicum, notorium, & manifestum, & publica vox, & fama, & communis opinio, & reputatio.
- 3 Item ponunt, & quatenus opus est probare volunt, & intendunt, quod dictus Seruus Dei P. F. Io. Leonardus de Fusco à pueritia cepit vitam Christiano homine dignam ducere, parentes venerando, in nulla re illos laedendo, & obtemperando, & quod illi tempus à Gimnasio, & alijs honestis exercitijs supererat, in oratione impendebat ante sacram Beatissimæ Virginis Rosarij imaginem, cuius erat deuotissimus, & in Ecclesia cathedrali erat, paternis adibus proxima, itaut sæpe cum prandij, & cœnæ tempus adueniret, inde esset vocandus, parco vtebatur cibo, penitentij deditus, ita vt præter frequentes

tes disciplinas crassum laneum pñum supra nudam carnem gestaret, dormiretq; super tabulis, prauorum virorum consortia vitabat, obscena verba maximo odio prosequeretur, & leuitates, puerilesq; ludo's fugiebat. Et hoc fuit, & est verum, publicum, notorium, & manifestum publica vox, & fama, communis opinio, & reputatio.

4 Item ponunt, & quatenus opus est probare volunt, & intendunt, quod dictus Seruus Dei P.F. Io. Leonardus de Fusco, cum annum ageret decimum septimum in dicta Ciuitate Litterarum institutum fuit Sodalitium Sanctissimi Rosarij, in quod ipse cum multis, tum laicis, tum Clericis, & Sacerdotibus fuit ingressus, & ob eximiam illius pietatem Prior, seu Præfectus adhuc adolescens fuit creatus, quo etiam tempore grauer agrotantem quemdam Sacerdotem, & Parochum, & demum animam agentem in vltimo agone adiuuandi ipsi Seruo Dei cura demandata est, quod summa pietate, fructu, & astantium admiratione est exequutus. Quod fuit, & est verum, publicum, notorium, & manifestum publica vox, & fama, & communis opinio, & reputatio.

5 Item ponunt, & quatenus opus est probare volunt, & intendunt, quod dictus Seruus Dei P.F. Io. Leonardus de Fusco Clericali tonsura insignitus, & ad quatuor minores ordines promotus, Neapolim studiorum causa, mittitur, vbi otium fugiendo, strenuam operam iuri ciuili nauauit, socijs sacramentorum frequentia, pietate, morum honestate, et modestia, optimæ vitæ exemplum præbens, cum quibus quodam die extra portam Sanctæ Mariæ Constantinopolis in Viridario, seu hortis, tunc Ducis Nuceriæ, nunc Fratrum Carmelitarum discalciatorum imprudens deambulando in foueam aqua plenam cum euidenti vitæ periculo decedit, è qua Dei speciali, ac Beatissimæ Virginis auxilio Socij connexis inter se

pallijs , porrectisq; dicto Seruo Dei illum incolumen extraxerunt , quod factum pro insigni Dei beneficio prædicare solebat . Quod fuit, & est verum, publicum, notorium, & manifestum , publica vox, & fama , & communis opinio, & reputatio .

6 Item ponunt, & quatenus opus est probare volunt , & intendunt , quod dictus Seruus Dei P. F. Io. Leonardus de Fusco hoc periculo defunctus actis Deo , ac Beatissimæ Virgini debitis gratijs , constituit relicto sæculo religionem ingredi, motusq; exemplariæ sanctæ vitæ, quam ducebant Fratres nuper reformati Ordinis Prædicatorum Congregationis Sanctæ Mariæ Sanitatis de Neap. ingressus est dictam Religionem in Conuentu prædicto admissus ab Admodum Reu. P. S. T. M. Fratre Ambrosio Pascha , tunc dicti Conuentus Priore , annum agens vigesimum tertium anno 1591. diæ Assumptionis Beatissimæ Virginis, mutatoq; Albentij nomine , Frater Io. Leonardus est vocatus . Quod fuit , & est verum, publicum, notorium, & manifestum , publica vox , & fama , & communis opinio, & reputatio .

7 Item ponunt, & quatenus opus est probare volunt, & intendunt, quod dictus Seruus Dei P. F. Io. Leonardus de Fusco dictam Religionem ingressus tam sanctam vitam instituit, vt inter cæteros Nouitios , qui multa virtute præditi erant, ita excelleret, vt omnibus esset viuû Christianarum virtutum exemplar, vt iam ex eo tempore clarissimè ostenderet, & omnes certo conijcerent, quot, & quantos in vitæ sanctitate esset progressus factururus. Quare peracto anno solemnem professionem emisit , & vix biennio elapso ad Sacerdotium post reliquos ordines vniuersos ritè promotus , ob eximiam vitæ puritatem, & sanctitatem, ad Monasterium Oppidi summæ non longè Neapoli distans mittitur, vt Confessarij munus obiret, quod tanta attēctiōe exercuit ibi ferè per anni vnius spatium,

spatium, orationi & contemplationi vacans, silentium singulariter seruans, vt ex eo tempore semper capitis dolore laborauerit. Quod fuit, & est verum publicum, notorium, & manifestum, publica vox, & fama, & communis opinio, & reputatio.

8 Item ponunt, & quatenus opus est probare volunt, & intendunt, quod dictus Seruus Dei P. Flo. Leonardus de Fusco, à Superioribus à dicto Monasterio Oppidi Summæ est reuocatus; & ad Monasterium Montis Dei, missus, & deinde ad Sancti Spiritus eiusdem Ciuitatis Neap. Nouitiorum Magister est effectus, quod munus, summa omnium ædificatione, charitate, pietate, prudentia, maximo cum Nouitiorum fructu est exequutus, serè per duorum annorum spatium, demum ad Sanctæ Mariæ Sanitatis Monasterium transmissus; vbi & alibi pluries sermones, habuit tanto animi ardore, & pietate, vt auditores raperet, ipseque tanto spiritus incendio æstuarer, vt extra se ferri videretur summa Auditorum admiratione, ædificatione, & fructu. Quod fuit, & est verum, publicum, notorium, & manifestum, publica vox, & fama, & communis opinio, & reputatio.

9 Item ponunt, & quatenus opus est probare volunt, & intendunt, quod cum dictus Seruus Dei P. F. Jo. Leonardus de Fusco in anno esset creatus Subprior dicti Monasterij Sanctæ Mariæ Sanitatis, tanto zelo, & cura, per spatium mensium sex in eo onere se gessit, vt tempore silentij, & noctis furtim, et inscijs fratribus se in cellas proriperet, & silentium, & modestiam non seruantes, grauitè, & amanter corrigeret, & cum tanto zelo esset plenus, & huiusmodi labores lanitati maximè officerent; ea cura, & munere est liberatus, et absolutus. præfectus est deinde Monasterio Monialium Sanctæ Mariæ Aegyptiacæ eiusdem Ciuitatis, quod sub regimine dictæ Congregationis Sanctæ Mariæ Sanitatis degit, vbi toto trienio

nio maximo animarum fructu, zelo, et vigilantia se gessit, vt magnos in spiritali vita Moniales progressus fecerint, habentes, et æstimantes dictum Seruum Dei eximie Sanctitatis virum. Quod fuit, et est verum, publicam, notorium, et manifestum, publica vox, et fama, et communis opinio, et reputatio.

10. Item ponunt, et quatenus opus est probare volunt, et intendunt, quod dictus Seruus Dei P. F. Io. Leonardus de Fusco in anno 1610. fuit ab Ordinario vti confessarius concessus Monasterio Monialium S. Ioannis Baptistæ eiusdem Ciuitatis, quod onus sustinuit, vsque ad annum 1620. quo tempore obiit, in quo munere nullis parcens laboribus, podagra, et chiragra, flatibus, et lateris dolore sæpe laborans, et præterea cum cogeretur cum multo dolore ob peritonei rupturam gestare ferreum cingulum, non destitit tamen summa charitate, et animarum profectus cupiditate, pluries in hebdomada ad dictum Monasterium se conferre, et per multas horas, et sæpe toto die ibi morando, partim exhortationibus, et instructionibus, partim audiendis confessionibus operam nauans, tanti facti sunt in vita spiritali progressus, vt pleræque illarum Monialium tanto animi feruore, et spiritu sanctitatem sint amplexe, vt in hac Ciuitate Neapolis, et alibi etiam sint in magna opinione Sanctitatis, quo tempore etiam Monasteria Monialium Sancti Potiti, et Sancti Gaudiosi Ordinis Sancti Benedicti, hortando, docendo, et instruendo, reformationem sunt cum maximo fructu complexæ, nec destitit Christus Dominus interim semel, et Beata etiam Virgo semel suam præsentiam dicto Seruo Dei exhibere, et die festo S. Ioannis Euangelistæ anno 1619. sensit dictus Seruus Dei in corde transfigi, quod diu optauerat, et de hac re diuinam maiestatem erat deprecatus. Hinc ex eo tempore maximis doloribus ea corporis parte est vexatus. Quod fuit, et est

et est verum, publicum, notorium. et manifestum publica vox, et fama, et communis opinio, et reputatio.

11 Item ponunt, et quatenus opus est probare volunt, et intendunt, quod cum dictus Seruus Dei P.F. Ioan. Leonardus de Fusco in anno 1620. mense Februarij ægrotare cœpisset, et demum à Medicis eius salus esset desperata, idque per urbem Neapolim esset peruiagatum ob Sanctitatis famam, tantus et insolitus factus est hominum omnis generis concursus ad Monasterium Sanctæ Mariæ Sanitatis, vt illum inuiderent, illius se orationibus commendarent, & benedictionem acciperent, vt Prior dicti Monasterij sit coactus custodes ante cellæ ianuam apponere, ne multitudo ingredientium, et numerus in angusta cella ægrum læderent, et mortem accelerarent. Et si qui forte permittebantur ingredi, illius præsentia, mirificè afficiebantur, et lacrimas fundentes ob iacturam, quam in terris tanti viri erant facturi, minimè ægri animum mouebant, sed illis blandè, licet interruptis vocibus respondens, maxima cum animi submissione, & sensu pro illis oraturum pollicebatur. Quod fuit, & est verum, publicum, notorium, & manifestum, publica vox, & fama, & communis opinio, & reputatio.

12 Item ponunt, & quatenus opus est probare volunt, & intendunt, quod dictus Seruus Dei P.F. Io. Leonardus de Fusco anno prædicto 1620. die duodécima mensis Februarij hora noctis quarta, & maxima cum opinione Sanctitatis Ecclesiæ Sacramentis ritè munitus, Spiritum Deo placidissimè reddidit ætatis ano 52. Religionis 29. ad cuius corpus inuiscendum, & venerandum, tanta fuit post mortem vniuscuiusq; generis hominum multitudo, & concursus, vt per integrum diem Ecclesia Sanctæ Mariæ Sanitatis, ita esset hominibus, & mulieribus repleta, vt vix illa licet amplissima, multitudinem caperet, & necesse fuerit cadauer in inferiori Ecclesia intra ferreos cancellos

cellos, appositis etiam lictoribus ad submouendum tur-
bam, collocare ne discerperetur, & post biduum, nullum
malum odorem exhalans, & incorruptum extracto prius
corde, & intestinis, non in communi sepultura, sed capsula
& loculo plumbeo inclusum cadauer clauibus obserato,
in Cappella Sanctissimi Crucifixi, vbi adhuc manet, illa-
tum est, & sanguis incorruptus, & liquidus adhuc serua-
tur. Et dictus Seruus Dei etiam eodem tempore, quo
obiit, & postea etiam nonnullis celesti gloria ornatus ap-
paruit. Quod fuit, & est verum, publicum, notorium, &
manifestum, publica vox, et fama, & communis opinio,
& reputatio.

DE VIRTUTIBVS.

13 **I**TEM, vt magis liqueat de Sanctitate vitæ, &
virtutibus dicti Serui Dei P. Fratris Io. Leonardi
de Fusco, ponunt, & quatenus opus est probare volunt,
& intendunt, ipsum omnibus virtutibus excelluisse, &
primo, quod in fide Christiana, & Catholica semper vi-
xit, et ad mortem vsque perseuerauit, et constanter do-
ctrinam sanam veræ fidei per omne vitæ tempus, non so-
lum retinuit, sed alios etiam docuit, tam in concioni-
bus, et exhortationibus publicis, quam in priuatis sermo-
nibus: Scripturam sacram frequenter legebat, mirisque
laudibus extollebat, et quæcunque in ea leguntur, vel ab
Ecclesia definita sunt, firmiter tenuit, et tam pro fidei,
quam pro Ecclesiæ defensione sanguinem profunderet
paratus ita fuerit, vt quodam tempore cum Fratre, quo-
dam laico conuenerit, fratre tamen Superioribus videretur,
ad Ethnicos se conferre, vt pro Christi nomine, et
sancta fide, vitam, ac sanguinem profunderet, et in fine
vitæ instantissimè petijt sibi fidei protestationes, quas in
quodam libello habebat, nonnullis sua manu additis le-
geren-

gerentur, lectasque summa animi pietate, iucunditate, et sensu audiuit, ijsque, et verbis, et signis quam plurimis est latissimè assensus. Quod fuit, et est uerum, publicum, notorium, et manifestum, publica vox, et fama, communis opinio, et reputatio.

14 Item ponunt, et quatenus opus est probare volunt, et intendunt, quod dictus Seruus Dei P. F. Io. Leonardus de Fusco maximam in Deo spem habuit, et cum eiusdem auxilio ex meritis, et sanguine Christi Domini nostri per opera meritoria se vitam æternam consequuturum sperauit. Hac spe fultus, non solum paternam domum, et omnia temporalia contempsit, vt cælestia acquireret, sed mori etiam non recusabat, quinimo ardentius optabat, aliosque se in cælo visurum dicebat, ideoque cum tam frequenter, et prolixè oraret, et in cælestium rerum contemplatione versaretur; aliud ex oratione surgere videbatur, sermonesque quos post illam habebat, facile ex consortio sermonis Domini cælestem suauitatē, & spiritum sapiebant, maximèque eos, cum quibus sermones tunc serēbat, commouebat. Quod fuit, & est uerum publicum, notorium, & manifestum, publica vox & fama, & communis opinio, & reputatio.

15 Item ponunt, & quatenus opus est probare volunt, & intendunt, quod dictus Seruus Dei P. F. Io. Leonardus de Fusco charitate insigni exarsit, mirifico enim amore in Deum inflammabatur, & rapiebatur, ob quem peccata odio est prosequutus, atque uitauit, Dei mandata seruauit, perpetua pace, & gaudio fruens, & vt arctius per amorem Deo adhæreret, omnia reliquit, hoc est parentes, sorores, & fratrem, & reliqua temporalia, & sequutus est Christum morè Apostolorum, & consilia adimpleuit, vt maiori cum perfectione Deo inservire posset. Ex eadem charitate factum est, vt proximum dilexerit, salutisque animarum, tam ardenti zelo exarserit,

B

vt pro

vt pro illarum auxilio nulli vnquam labori pepercerit. In concionibus, exhortationibus, & sermonibus tam publicis, quam priuatis, & litteris Christi fideles à peccatis reuocabat, & educebat, ad Dei amorem incendebat, atque ad perfectionem incitabat, de Peccatorum conuersione latabatur, agrotos, & afflictos visitabat, eorum confessiones audiebat, & qua poterat ope subleuabat, morientibus astabat, iratos homines, ac dissidentes conciliabat, tribulatis, & aliquid mali passis mirifice compatiabatur; marentes consolabatur, pia consilia indigentibus, dabat labores quoslibet pro aliorum consolatione libenter suscipiebat pro Animabus Purgatorij suffragia faciebat, orabat pro inimicis, eisque cum posset benefaciebat, aliaque huiusmodi Christianæ charitatis exercitia, magna cum animi iucunditate, & hilaritate faciebat, & insignem erga omnes benignitatem gerebat. Quod fuit & est verum, publicum, notorium, & manifestum, publica vox & ama, & communis opinio, & reputatio.

- 36, Item ponunt, & quatenus opus est probare volunt & intendunt, quod dictus Seruus Dei P. F. Io. Leonardus de Fusco in virtute Religionis maximè excelluit, omnesque actiones ad Dei cultum pertinentes semper, & indefesse exercuit, & vt promptius Deo posset seruire, diuino seruitio se totum in Religione dedicauit. Horas canonicas in choro non legitimè impeditus summa cum deuotione, attentione, & seruire, apta, & modesta corporis totius compositione, recitabat. Et cum per corporis indispositionem matutinis in choro adesse non poterat, accepto lumine ipse in lecto orationi, & contemplationi vacabat. Missæ sacrificium ab eo tempore, quo Sacerdos est factus maxima cum animi præparatione, reuerentia, lacrymis, & gratiarum actione, cilicium etiam gestans, singulis diebus præuia confessione offerebat, nisi morbo
- impe-

impediretur, & multoties luminosa facie, dum illud peragebat, est visus, Orationi, & Contemplationi, præcipuè vero passionis Christi Domini (cuius erat deuotissimus, & de qua nonnulla pia scripta reliquit) summo per erat deditus: Dominum Iesum, eiusque Sanctissimam Genitricem Mariam vnicè venerabatur. Erga Angelum Custodem, aliosque Sanctos, & præcipuè Sanctum Dominicum, Sanctum Thomam Aquinatem Diuum Augustinum, & eos Sanctos, quos singulis annis iuxta Religionis morem illi contigebant, magnum semper gessit deuotionis affectum. Ecclesiam, & Ecclesiarum sacella visitabat, & venerabatur. Res sacras, Sanctorumque imagines, ac reliquias venerabatur, cæterosque deuotionis, & religionis actus promptè, & alacriter exercebat, & exerceri ab alijs faciebat. Quod fuit, & est verum, publicum, notorium, & manifestum, publica vox, & fama, & communis opinio, & reputatio.

17. Item ponunt, & quatenus opus est probare volunt, & intendunt, quod dictus Seruus Dei P. F. Io. Leonardus de Fusco Cardinalibus virtutibus excelluit; nam prudentiæ virtute, qua optima media ad opera benefacienda, eligebat, & præcipuè ad consequendam diuinam gloriã, & æternam felicitatem ostendit tum in conuersatione cum diuersis hominum generibus absque vilius vnquam offensione, sed cum maxima satisfactione, tum in administratione officij Magistri Nouitiorum, & Subprioris, & in sollicita gubernatione Monasterij Sanctæ Mariæ Aegyptiacæ, & aliorum monasteriorum.

Iustitiam autem ostendit, tam secularis, quam Religiosus, benè de omnibus iudicando, aliorum actiones excusando, & in bonam partem semper interpretando, nullam vnquam personarum acceptionem habendo, & suum vnicuique tribuendo. Deo videlicet gratias, et laudes, Superioribus honorem, & obedientiam benefactoribus

bus gratitudinem , æqualibus affabilem benevolentiam ,
& subditis delinquentibus quidem pœnam , benè se ge-
rentibus præmium .

Fortitudinem ostendit in rerum mundanarum con-
temptu , in edomadis animi passionibus , in perpetua
sensuum , et conscientię custodia , in seruanda mansue-
tutine , in tolerandis patienter , & cum exemplo , et ædi-
ficatione aduersis , præsertim corporis infirmitatibus , et
in perseuerando vtque ad mortem in Dei seruitio , cuius
gratia ardua aggrediebatur , et martirium desiderabat .

Temperantiam denique ostendit in moderando sē in
victu , et vestitu , alijsque corporis commoditatibus ,
non solum nullam in eis superfluitatem admittendo , sed
aliquid semper detrahendo . Et hoc fuit , et est verum ,
publicum , notorium , et manifestum , publica vox , et fama ,
et communis opinio , et reputatio .

- 18 Item ponunt , et quatenus opus est probare volunt , et
intendunt , quod dictus Seruus Dei P. F. Io. Leonardus
de Fusco profundissima humilitate claruit , et excelluit .
Et ex hac humilitatis virtute cum esset doctus , indoctus
tamen æstimari voluit . Omnibus se subijciebat , fratribus
etiam laicis demississime se demittebat , maximum pec-
catorem se reputabat , et coram alijs cū multo sensu se ap-
pellabat , humanas laudes semper odit , et fugit , se con-
temptibilem , ac omnium religiosorum minimum esse
ita existimauit , vt ab omnibus semper aliquid discere vel-
let , et indignum se diceret , qui in Religione à tot Dei
Seruis retineretur . Omnes sibi præferebat , cum infimæ
conditionis hominibus libenter versabatur . Et ne mira-
cula , quæ per eum Deus sæpè operabatur ipsius meritis
tribuētur Sanctoꝝ multoties reliquijs , et certis pijs ora-
tionibus vtebatur , illasq; mittebat , vt eorū Sanctoꝝ in-
tercessionibus gratiæ illæ , et miracula referrētur accepta .
Quod fuit , et est verū , publicū , notorium , et manifestum
publica .

publica vox, et fama, et communis opinio, et reputatio.

- 19 Item ponunt, & quatenus opus est probare volunt, & intendunt, quod dictus Seruus Dei P. F. Io. Leonardus de Fusco tria vota ordinaria Religionis, nimirum Paupertatis, Castitatis, & Obedientiæ semper exactissimè seruauit, Pauperiæ quidem mirificè coluit, paucis etiam, intra necessitatem in omnibus contentus, ut Christi Domini paupertatem imitaretur. Ex hac paupertatis virtute pauperes amicè dilexit, aliosque ad illis benefaciendum hortabatur, eosque precibus, & quacunq; alia ope valebat adiuuauit, & subleuauit.

Castitatem vero seruauit modestè viuendo, mulierum consòrtia, & colloquutiones in non necessarijs fugiendo, cum quibus non nisi de earum salute tractabat, solitudinem, ac silentium diligendo, otium tamquam sæuissimum hostem odio prosequendo, carnem suam sæuissimè macerando ieiunijs, abstinentijs, cilicijs, zonis acutis stimulis plenis, disciplinis, vigilijs, orationibus, alijsq; asperitatibus, ita ut circa annum quadragesimum suæ vitæ in multos inciderit morbos, ita ut ab eo ferè tēpore ligneo baculo vteretur cum pedibus esset admodum imbecillis.

Obedientiam denique exactissimè seruauit, & primo ad mundi contemptum, & Religiosam vitam à Domino Deo vocatus promptissimè paruit, in Religione etiam regulis, & constitutionibus Ordinis Prædicatorum, eiusque Superioribus omnibus diligentissimè, & cum magna simplicitate semper obtemperauit, illorum voluntatem ad vnguem exequendo. Quod fuit, & est verum, publicum, notorium, & manifestum, publica vox, & fama, & communis opinio, & reputatio.

- 20 Item ponunt, & quatenus opus est probare volunt, & intendunt, quod dictus Seruus Dei P. F. Io. Leonardus de Fusco mirificè clauit dono prophetiæ. Et hoc fuit, & est verum, publicum, notorium, & manifestum, publica

vox,

vox, & fama, & communis opinio, & Reputatio.

21 Item ponunt, & quatenus opus est probare volunt, & intendunt, quod dictus Seruus Dei P. Io. Leonardus de Fusco, dum in humanis degit semper fuit communiter, & vniuersaliter habitus, tentus, & reputatus, à cunctis Christi fidelibus etiam grauibus, & eminentibus viris supradictis virtutibus ornatus, Sanctus, & Dei amicus. Et propterea cuiuscunque conditionis homines, magnæque dignitatis personæ eius se precibus commendabant, reliquiasque viuentis expetebant, oscula manibus, & vestibus cum magna animi deuotione, & submissione figentes. Post mortem verò fama Sanctitatis ipsius creuit, & crescit in dies magis sine vlla interruptione, ita vt publicè, & palam, etiam à grauibus, & eminentibus viris vniuersaliter pro Sancto habeatur & teneatur. Hinc fit, vt eius se precibus Christi fideles priuatim commendent, intercessionemque implorent, eius reliquias, venerentur, quarant, & magno cum honore conseruent, eius imagines, vt imagines Viri Sancti inter alias Sanctorum imagines cum deuotione, & veneratione custodiant, eius Sepulcrum inuisant, cereis, argenteis, & ligneis tabellis, vestibus, accensis facibus, floribus, rebusque id genus alijs frequenter exornent, pluresque alios deuotionis affectus erga illū exercent, qui erga Dei Sanctos exerceri solent. Quod fuit, & est verum, publicum, notorium, & manifestum, publica vox, & fama, & communis opinio, & reputatio.

22 Item ponunt, & quatenus opus est probare volunt, & intendunt, quod Deus Dominus noster ad sui nominis gloriam, & honorem, & ad ostendendam Sanctitatem dicti sui Serui P. F. Io. Leonardi de Fusco varia, & præclara miracula, tam in eius vita, quam post mortem, fecit, & facit, atque operatus fuit, & nunc operatur per eius reliquias, imagines, intercessionem, & inuocationem,